




Plata dla Ploania Antermëia Sant'Antone Abat

Ploian: **siur Klaus Sottsass**
E.mail: ksottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann C

**27.04.2025 - 04.05.2025 - Secunda domènia de
Pasca - domènia blancia - domènia dla**

n. 22

La potènza dla vita

 **St.Ap 5, 12–16 | Rev 1, 9–11a.12–13.17–19 | Jan 20, 19–31**

Dal Vangele do San Jan:

¹⁹La sèra dl pröm dé dl'edema, canche i discepui â dala tēma dan dai iüdes sarè pro les portes, él gnü Gejù, é jü amesa ëi ite y ti à dit: Pêsc a os! ²⁰Do chēstes parores ti àl mostrè sùes mans y so costà. Dailó se ralegrâ i discepui da odèi le Signur. ²¹Gejù ti à ciamò n iade dit: Pêsc a os! Sciöchē le Pere m'a menè mè, insciö ves mëni iö os. ²²Do ch'al à albü dit chēsc, ti àl fladè ados y ti à dit: Recioiede le Spirit Sant! ²³A chi che os ti lascëis do i picia, ti ési lascia do; y a chi che os ne ti ai lascëis nia do, ne ti ési nia lascia do. ²⁴Tomesc, nominé Didimus (jomelin), un di dodesc, n'ê nia pro d'ëi, canche Gejù ê gnü. ²⁵I atri discepui ti à spo dit: I ùn odü le Signur. Al ti à respognü: Sc'i ne vëighi nia les ferides di agüs te sùes mans y sc'i ne pò nia mëte mi dëit tl büsc di agüs y mia man te so costà, ne crëi nia. ²⁶Otedé do ê sü discepui indô abinà adöm, y Tomesc ê laprò. Dailò é gnü Gejù – les portes ê stlütēs pro – é jü amesa ëi ite y à dit: Pêsc a os! ²⁷Spo àl dit a Tomesc: Tëgn ca to dëit – chilò é mies mans! Tëgn ca tûa man y mëtela te mi costà, y ne stè a ester descredënt, mo credënt! ²⁸Tomesc ti à respognü: Mi Signur y mi Dî



ANTIFONA

Ralegrésse y rengraziēde Idî, chël
che ves à cherdè de jì da d'ël. I sëis
fis de Dî y arpadus de süa gloria.
Alleluia.

 **Letöres dla Terza domènia de Pasca:**

St.Ap 5, 27b–32.40b–41 | Rev 5, 11–14 | Jan 21, 1–19

Edema liturgica dai 27.04. ai 04.05.2025

2025	Ora	Mëssa
Secunda domënia de Pasca - domënia blancia - domënia dla misericordia de Chël Bel Dî 27.04.2025 <i>Pire Canisius, Zita</i> <i>Oferta por la dlijia</i>	9:30 10:00 10:00	Corona S.Mëssa por la comunité <i>Don Marco</i> aniv. + Pire Devall aniv. + Amalia Rubatscher- Alfarëi + Maria Clara – Biëi + Gottfried Zingerle en onur de S.Ujöp Frëinademetz Festa dla Crejima a La Val
LÖNESC - 28.04.2025 <i>Pire Chanel, Ludwig Maria Grignon de Montfort</i>		19.30 - S.M. a La Plí
MERTESC - 29.04.2025 <i>festa de Santa Caterina da Siena (patrona d'Europa), Roswita, Robert</i>	7:30	S.Mëssa di scolari <i>letur: Claudia</i> en recort dl + Vijo Alfreider + Oliva Castlunger
MERCUI - 30.04.2025 <i>Pio V., Hildegard, Rosamunde, Bernhard</i>		---
JÖBIA - 01.05.2025 <i>Sant Ojep laurant, Augustin, Arnold, Maximilian</i>		7.30 - S.Mëssa a Rina
VËNDRES - 02.05.2025 <i>Atanase, Sigismund</i>		7.30 – S.Mëssa a Lungiarü
SABEDA - 03.05.2025 <i>festa dai sanc apostui Filipo y Iaco, Alexander</i>		18.00 S.Mëssa prefestiva a Al Plan
Terza domënia de Pasca 04.05.2025 <i>Florian , Guido, Valeria</i> <i>Oferta por la dlijia</i>	9:30 10:00	Corona S.Mëssa en onur de S.Florian <i>Siur Klaus</i> por i Stödafüch por families Winkler Trú aniv. + Tio Winkler aniv. ++ Clara y Florino Paratscha + Hilda Siller Erlacher + Celestina Turati Unterweger ++Erica, Gusta y Pire Castlunger – Tintal Prozesciun y benedisciun di auti y mascins

Mësses a San Martin:

Dom 9.00 (l.p.) Dedol 8.00 Ven 19.00 Sab 18.30 Dom 10.00



Informaziuns y terminns

En vëndres ai 09.05 dales 19:30 è düc chi che fej val sorvisc por la dlizia y ploania inviá al Cristlá a mangé la pizza, scioche pice reconoscimënt y dilan por osc sorvisc tan important!

Orun daidé recordé de passé inant tles families **le liber y la ciandëra dles vocaziuns!**

Consëi de cöra

Le Museum Ladin deura indô sües portes cun le 01.05.2025. Por festejé la daurida y por presenté les novités de chësc ann inviunse ala manifestaziun **“DAURIDA Y NOVITÉS”**, en sabeda, ai 10.05, dales 11:00 tl Museum Ladin Ciastel de Tor. Al gnará presenté döes seziun nöies sura ert y musiga tla mostra permanënta dl MusLa Ciastel de Tor, n jüch detectif “Le iuvel de Fanes” por scores y families fora por le ciastel y le audio-acompagnadú por pici y gragn “Dolasila nes cunta la storia dla jënt ladina”. Dedô inviunse a vjité le museum y a sté adöm pro n buffet cun DJ set.

La **Portina por l'Assistënza y Cura dl Raiun Sozio-Sanitar Val Badia** organisëia ai 8 de ma 2025, dales 15.00, tla Ciasa dl Raiun Soziosanitar Piculin **n'incuntada sura le tema "Resté sagns intun canche i gnun plü vedli - co afronté les dificolts cun le mangé"**. Te chësc referat vëgnel tigní cunt di cambiamënc canche i gnun plü vedli, co che chësc influenzëia l'alimentaziun y co ch'ara vá impó da curí le bojëgn de sostanzes nudritives. Dötes y düc é dër bel inviá.

Le dotur Eduard Agreiter é demez cina ai 30 d'aurí y vëgn sostituí dala doturia Grete Mahlkecht 349 06 67 034.

La farmacia Pütia a Picolin é stlütä dal 01 ai 04 de ma 2025.


	29.04.2025	Alessia - Julia
	04.05.2025	Teo - Raphael A. - Raphael R. - Magdalena
	04.05.2025	Stödafüch

Impressum:

Comunicaziuns:


Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it



Selig sind wir, wenn wir unsere Augen für die Zeichen der Gegenwart Gottes in unserem Leben aufmachen – so, wie es ist, und nicht, wie wir sie erträumt oder gewünscht hätten –, und an die Macht der Auferstehung Jesu glauben, der unter uns zugegen ist.

Carlo Martini



Der Weg zum Osterglauben ist manchmal ein Labyrinth, doch nie eine Sackgasse.



GEBETSMEINUNG DES PAPSTES FÜR

Mai

I periun che le laur dèides che vigni porsona pois se realisé, che les families pois vire cun dignité y che la sozieté devèntes plü umana.



Ai 1 de má festejëia la dlijia Sant Ojöp laurant. Ojöp gnô bele dadî veneré sciöche sant protetur di lauranc. Tratan che la industrialisaziun se deslariâ fora, al ciafé ciamó ma maiú importanza, y ince sciöche resposta ala tres maiú importancia dl socialism y dl influus sön i lauranc tl 19. y 20. secul á papa Pio XII protlamé tl 1955 le 1. de má sciöche festa por Ojöp, le laurant.